


清雍正

刑部山東司情實重囚招冊





原件短缺

P1-P2

拾玖日題叁月初貳日奉



旨李大依擬應斬着監候秋後處決餘依議
行山東巡撫將李大監候在案

雍正拾壹年秋審據山東巡撫岳濬會審得李



大因與齊二小至李禿家行竊齊二小被獲李

大持刀救護扎傷事主胎膊齊二小乘間脫身

李大因奔逸絆倒亦被事主按住李大情急用

刀扎傷事主食氣顛等處事主傷經平復李大

應緩決等因具題奉

旨三法司知道欽此該臣等會同九卿詹事科道等
官會審李大應緩決等因具題奉

旨李大着監候緩決欽遵在案

雍正拾貳年秋審據山東巡撫岳濬會審李大
仍緩決等因具題奉

旨三法司知道

山東司

一起為稟報事斬犯壹名張坤年肆拾叁歲係山
東泰安州人該山東巡撫岳濬

題前事內開該臣看得張坤打死賈小三一案張
坤與賈小三同庄居住緣雍正玖年拾月貳拾
貳日張坤出外攬放羊隻賈小三欲與同行張
坤因先曾與賈小三有嫌不肯同往賈小三走
至石菜地方即回至紅溝山內住下拾柴在窰

烤火張坤亦因羊容已去未經攬妥歸時天黑見山坡窰間照有火光張坤前往尋火喫烟即係賈小三在窰烤火賈小三詈罵張坤不與同往攬羊張坤回罵賈小三取棍毆打張坤拾石擊傷賈小三右臂膊賈小三愈加詈罵傷及父母張坤忿恨頻起殺機復用石連毆賈小三肩甲右肋太陽穴立時殞命張坤剝取賈小三袍褲鞋襪而遁歷審自認不諱張坤依律擬斬監

候等因雍正拾年拾貳月初捌日題貳拾日奉旨三法司核擬具奏欽此該臣等會同都察院大理寺會看得張坤打死賈小三一案據山東巡撫

岳濬審擬斬罪具

題前來查張坤與賈小三同庄居住緣雍正玖年拾月貳拾貳日張坤出外攬放羊隻賈小三欲與同行張坤因先曾與賈小三有嫌不肯同往賈小三走至石菜地方即回至紅溝山內住下

拾柴在窰烤火張坤亦因羊客已去未經攬妥
歸時天黑見山坡窰間照有火光張坤前往尋
火喫烟即係賈小三在窰烤火賈小三詈罵張
坤不與同往攬羊張坤回罵賈小三取棍毆打
張坤拾石擊傷賈小三右臂膊賈小三愈加詈
罵傷及父母張坤忿恨頓起殺機復用石連毆
賈小三肩甲右肋太陽穴立時殞命張坤剝取
賈小三袍褲鞋襪而遁該撫歷審自認不諱張

坤合依故殺者斬監候律應擬斬監候秋後處
決等因雍正拾壹年貳月貳拾玖日題叁月初
貳日奉

旨張坤依擬應斬着監候秋後處決餘依議欽此咨
行山東巡撫將張坤監候在案

雍正拾壹年秋審灑山東巡撫岳濬會審得張
坤因賈小三欲與同往攬羊放張坤不允賈
小三遂至山坡窰間拾柴烤火張坤因羊客已

去未經攬妥而歸時已昏黑望見山坡窰間有
火光前往喫烟賈小三因其不與同往見而詈
罵張坤回罵小三取棍毆打張坤拾石擊傷小
三臂膊小二愈肆辱罵張坤頓起殺機用石連
毆賈小三太陽等處立時殞命張坤應情實等
因具題奉

旨三法司知道欽此該臣等會同九卿詹事科道等
官會看得據山東巡撫岳濬會審將張坤情寔

具

題前來查張坤因賈小三欲同伊攬放羊隻不允
即行詈罵復用棍毆打一時情急拾石還擊致
鑿張坤應改緩決等因具題奉

旨張坤着監候緩決欽遵在案

雍正拾貳年秋審據山東巡撫岳濬會審張坤
仍緩決等因具題奉

旨三法司知道

山東司

一起為稟報事絞犯壹名畢偏年叁拾叁歲係直隸大名府長垣縣人該山東巡撫岳濬

題前事內開該臣看得畢偏等砍傷畢保貴身死壹案畢偏係畢保貴無服族姪畢保貴係已死捕役張貴夥計有曹州民李姓家被竊該州差張貴緝捕賊賊畢保貴以畢偏周二妮周路形跡可疑誣指伊等為賊因畢偏外出即將畢偏

之父畢良貴并周二妮周路拿獲經該州吏目
歷審無據悉行保釋畢良貴氣惱病故周二妮
之母亦因伊子被拿受驚染病身死周二妮等
各懷憤恨後畢偏與周二妮周路相遇入肆沽
飲周二妮起意欲毆畢保貴以洩前憤畢偏等
依允雍正玖年捌月初拾日周路周二妮撞遇
畢保貴周二妮即囑周路往喚畢偏畢偏即携
帶順刀同周二妮等與畢保貴搆釁畢保貴奔

避畢偏等赶上將畢保貴抱住摔倒周二妮按
頭周路按腿畢偏拔刀砍傷右脰膊右肱左
右臄胛左右腳踝左膝等處復擗脰膊肱胛骨
折而散畢保貴傷重越三日殞命歷審各認不
諱畢偏依律擬絞監候等因雍正拾年拾壹月
貳拾壹日題拾貳月初伍日奉

旨三法司核擬具奏欽此該臣等會同都察院大理
寺會看得畢偏等砍傷畢保貴身死壹案據山

東巡撫岳濬審擬絞罪具

題前來查畢偏係畢保貴無服族姪畢保貴係已
死捕役張貴夥計有曹州民李姓家被竊該州
差張貴緝捕賊賊畢保貴以畢偏周二妮周路
形跡可疑誣指伊等為賊因畢偏外出即將畢
偏之父畢良貴并周二妮周路拿獲經該州吏
目歷審無據悉行保釋畢良貴氣惱病故周二
妮之母亦因伊子被拿受驚染病身死周二妮

等各懷憤恨後畢偏與周二妮周路相遇入肆
沽飲周二妮起意欲毆畢保貴以洩前憤畢偏
等依允雍正玖年捌月初拾日周路周二妮撞

遇畢保貴周二妮即囑周路往喚畢偏畢偏即
攜帶順刀同周二妮等與畢保貴構釁畢保貴
奔避畢偏等趕上將畢保貴抱住摔倒周二妮
按頭周路按腿畢偏拔刀砍傷右胳膊右胸脰
左右臙肱左右脚踝左脛等處復擰脛膊胸脰

骨折而散畢保貴傷重越三日殞命該撫歷審各認不諱畢偏合依同謀共毆人因而致死者以下手傷重者絞監候律應擬絞監候秋後處決等因雍正拾壹年叁月初叁日題初柒日奉旨畢偏依擬應絞着監候秋後處決餘依議欽此咨行山東巡撫將畢偏監候在案

雍正拾壹年秋審據山東巡撫岳濬會審得畢偏因畢保貴誣指伊與周二妮等爲賊將畢偏

之父畢良貴拿獲審明保釋以致畢良貴氣惱病故畢偏懷恨商同周二妮等毆打洩忿後撞過畢保貴畢偏抱住摔倒周二妮等將畢保貴按住畢偏拔刀砍傷畢保貴胳膊胸脰等處骨折殞命畢偏應緩決等因具題奉

旨三法司知道欽此該臣等會同九卿詹事科道等官會審畢偏應緩決等因具題奉

旨畢偏着監候緩決欽遵在案

雍正拾貳年秋審據山東巡撫岳濬會審畢偏
仍緩決等因具題奉

旨三法司知道

山東司

一起爲呈報事絞犯壹名趙得時年陸拾肆歲係
山東泰安州萊蕪縣人該山東巡撫岳濬

題前事內開該臣看得趙得時毆傷張蘭身死一
案趙得時妹夫王可叅魯借張蘭麥豆錢文將
河灘薄地貳分抵作欠項後王可叅病故伊妻
趙氏再醮所遺幼子交與趙得時撫養復將此
地轉令趙得時耕種以爲養育幼子之資雍正

拾年閏伍月叁拾日張蘭之妻李氏赴地摘豆
趙得時不知王可叅先將此地抵作欠項因而
喝罵張蘭出而爭論兩相吵嚷張蘭掌擊趙得
時趙得時情急隨拾木棍招架毆傷張蘭心坎
倒地逾時殞命歷審自認不諱趙得時依律擬
絞監候等因雍正拾年拾壹月貳拾陸日題拾
貳月拾壹日奉

旨三法司核擬具奏欽此該臣等會同都察院大理

寺會看得趙得時毆傷張蘭身死一案據山東
巡撫岳濬審擬絞罪具

題前來查趙得時妹夫王可叅魯借張蘭麥豆錢
文將河灘薄地貳分抵作欠項後王可叅病故
伊妻趙氏再醮所遺幼子交與趙得時撫養復
將此地轉令趙得時耕種以爲養育幼子之資
雍正拾年閏伍月叁拾日張蘭之妻李氏赴地
摘豆趙得時不知王可叅先將此地抵作欠項

因而喝罵張蘭出而爭論兩相吵嚷張蘭掌擊
趙得時趙得時情急隨拾木棍招架毆傷張蘭
心坎倒地逾時殞命該撫歷審自認不諱趙得
時合依鬪毆殺人者不問手足他物金刃並絞
監候律應擬絞監候秋後處決等因雍正拾壹
年叁月拾壹日題拾叁日奉

旨趙得時依擬應絞着監候秋後處決欽此咨行山
東巡撫將趙得時監候在案

雍正拾壹年秋審據山東巡撫岳濬會審得趙
得時有妹夫王可叅曾欠張蘭錢又將地抵作
欠項後王可叅病故將地畝轉令趙得時耕種
遣張蘭之妻李氏赴地摘豆趙得時不知抵欠
情由因而喝罵張蘭出與爭論用掌先擊趙得
時情急拾棍招架中傷張蘭心坎殞命原非有
心欲殺趙得時情有可矜等因具題奉

旨三法司知道欽此該臣等會同九卿詹事科道等

官會看得據山東巡撫岳濬會審將趙得時可
矜具

題前來查趙得時因張蘭之妻李氏赴地摘豆見
而喝罵張蘭向前爭論隨拾棍毆傷張蘭心坎
斃命趙得時應改緩決等因具題奉

旨趙得時着監候緩決欽遵在案

雍正拾貳年秋審據山東巡撫岳濬會審趙得
時仍緩決等因具題奉

旨三法司知道

山東司

一起為詳叅匿傷等事絞犯壹名田召玉年伍拾

歲係山東武定州陽信縣人該山東巡撫岳濬

題前事內開該臣看得田召玉等因賭博毆傷濱

州民孫世安身死一案田召玉與孫世安素相

熟識並無嫌怨緣雍正玖年正月拾肆日孫世

安至田家庄閑玩與田召玉劉純相遇孫世安

起意賭博將舊牌一付同田召玉崔二在劉純

家看牌孫世安輸錢不給與田召玉兩相角口
孫世安掀翻桌案揮拳毆打田召玉即將木棍
招架二人爭出門外劉純畏避關門田召玉之
弟田召寶聞聲持鐵尺出視田召玉告知情由
喝令動手田召寶即持鐵尺同兄混毆孫世安
頂心顛門額顛額角腦後鼻梁額頰臙肢臂膊
肱肘後肋等處受傷仆地田召玉捏稱拿獲偷
草竊賊將孫世安搯至廟內旋即殞命歷審各

認不諱田召玉依律擬絞監候等因雍正拾年
拾壹月初壹日題拾陸日奉

旨三法司核擬具奏欽此該臣等會同都察院大理
寺會看得田召玉等因賭博毆傷濱州民孫世
安身死一案據山東巡撫岳濬審擬絞罪具
題前來查田召玉與孫世安素相熟識並無嫌怨

緣雍正玖年正月拾肆日孫世安至田家庄閑
玩與田召玉劉純相遇孫世安起意賭博將舊

牌一付同田召玉崔二在劉純家看牌孫世安輸錢不給與田召玉兩相角口孫世安掀翻桌案揮拳毆打田召玉即將木棍招架二人爭出門外劉純畏避閉門田召玉之弟田召寶聞聲持鐵尺出視田召玉告知情由喝令動手田召寶即持鐵尺同兄混毆孫世安頂心顛門額顛額角腦後鼻梁額顛臙腋臂膊肱肘後肋等處受傷仆地田召玉捏稱拿獲偷草竊賊將孫世

安搆至廟內旋即殞命該撫歷審各認不諱田召玉合依共毆人致死下手傷重者絞監候律應擬絞監候秋後處決等因雍正拾壹年叁月拾肆日題拾陸日奉

旨田召玉依擬應絞着監候秋後處決餘依議欽此咨行山東巡撫將田召玉監候在案

雍正拾壹年秋審據山東巡撫岳濬會審得田召玉因與孫世安等開場聚賭孫世安輸錢不

給兩相角口孫世安揮拳毆打適田召王之弟
田召寶聞聲出視田召王喝令動手田召寶即
持鐵尺與田召王一齊混毆致傷孫世安頂心
等處殞命田召王應緩決等因具題奉

旨三法司知道欽此該臣等會同九卿詹事科道等
官會審田召王應緩決等因具題奉

旨田召王着監候緩決欽遵在案

雍正拾貳年秋審據山東巡撫岳濬會審田召

王仍緩決等因具題奉

旨三法司知道

山東司

一起爲稟報事除斬犯卹三病故外絞犯壹名魯

瑞年肆拾伍歲係山東兗州府魚臺縣人該山

東巡撫岳濬

題前事內開該臣看得卹三等謀死小三圖詐劉

建邦一案卹三與魯瑞王魁龍均係乞丐同住

魚臺縣古村窰內緣卹三岳父劉建邦家道殷

實卹三妻死後劉建邦因其無賴拒絕不肯周

濟卹三蓄怨已久適有青州府流丐小三赴古
 村乞食卹三撞遇留住窰內同行求乞卹三遂
 與魯瑞王魁龍商謀勒死小三圖賴劉建邦詐
 銀分肥魯瑞等允從雍正拾年貳月初玖日哄
 誘小三同赴滕縣地方求乞更餘時分行至劉
 建邦庄邊孤廟中宿歇候小三睡熟魯瑞解下
 束腰皮條遞與卹三結成套扣魯瑞搯住小三
 咽喉卹三同王魁龍將皮條扣套入小三頸項
 拉勒立時殞命卹三魯瑞王魁龍將屍擡至劉
 建邦地內懸掛柳樹假作自縊留王魁龍認屍
 圖詐卹三等仍回窰內等候經地主入等將王
 魁龍等盤獲稟報歷審各認不諱王魁龍已經
 病故卹三依律擬斬魯瑞依律擬絞俱監候等
 因雍正拾年拾壹月貳拾陸日題拾貳月初拾
 日奉

旨三法司核擬具奏欽此該臣等會同都察院大理

寺會看得邱三等謀死小三圖詐劉建邦一案
據山東巡撫岳濟審擬斬絞具

題前來查邱三與曾瑞王魁龍均係乞丐同住魚
臺縣古村窰內緣邱三岳父劉建邦家道殷實
邱三妻死後劉建邦因其無賴拒絕不肯周濟
邱三蓄怨已久適有青州府流丐小三赴古村
乞食邱三撞遇留住窰內同行求乞邱三遂與
曾瑞王魁龍商謀勒死小三圖詐劉建邦詐銀

分肥曾瑞等允從雍正拾年貳月初玖日哄誘
小三同赴滕縣地方求乞更餘時分行至劉建
邦庄邊孤廟中宿歇候小三睡熟曾瑞解下束
腰皮條遞與邱三結成套扣曾瑞插住小三咽
喉邱三同王魁龍將皮條扣套入小三頸項拉
勒立時殞命邱三曾瑞王魁龍將屍擡至劉建
邦地內懸掛柳樹假作自縊留王魁龍認屍圖
詐邱三等仍回窰內等候經地主入等將王魁

龍等盤獲稟報該撫歷審各認不諱王魁龍已
經病故卹三合依謀殺人造意者斬監候律應
擬斬監候秋後處決曾瑞合依謀殺人從而加
功者絞監候律應擬絞監候秋後處決等因雍
正拾壹年叁月貳拾壹日題貳拾叁日奉

旨卹三依擬應斬曾瑞依擬應絞俱著監候秋後處
決餘依議欽此咨行山東巡撫將卹三曾瑞俱
監候在案

雍正拾壹年秋審據山東巡撫岳濬會審得曾
瑞因卹三之岳父劉建邦不肯周濟心懷怨恨
適遇流丐小三卹三遂起意與曾瑞商謀勒死
小三圖賴劉建邦詐銀分肥曾瑞依允卹乘小
三睡熟用皮條通與卹三勒斃將屍擡至劉建
邦地內造意之卹三已經病故曾瑞應緩決等
因具題奉

旨三法司知道欽此該臣等會同九卿詹事科道等

山東司
四
官會審曾瑞應緩決等因具題奉

旨曾瑞著監候緩決欽遵在案

雍正拾貳年秋審據山東巡撫岳濬會審曾瑞
仍緩決等因具題奉

旨三法司知道

山東司

一起為稟報事斬犯壹名徐俊年叁拾柒歲係山
東萊州府昌邑縣人該山東巡撫岳濬

題前事內開該臣看得徐俊開場局賭砍死徐應
心一案徐俊與徐應心同姓不宗緣雍正玖年
玖月貳拾肆日徐應心將伊岳家病驢壹頭趕
集賣錢叁千伍百文由徐俊門首經過適陳志
儉携錢同徐俊趕集撞過徐應心徐俊邀徐應

心至家喫烟有徐朝幹相繼而至徐俊見徐應
心攜帶錢文糾約賭博議明頭錢均分拿出舊
存骰子叁顆與徐應心徐朝幹陳志儉肆人同
賭徐應心將錢輸盡而散次日徐應心因驛價
全輸難見伊岳尋向徐俊借錢以全顏面徐俊
不借兩相角口徐俊回家徐應心跟至徐俊家
內危言逼借徐俊堅執不吐徐應心情急取菜
刀欲砍徐俊頓起殺機奪刀連砍徐應心顛門
腦後倒地殞命歷審自認不諱徐俊依律擬
斬監候等因雍正拾年拾月貳拾貳日題拾壹

月貳拾日奉

旨三法司核擬具奏欽此該臣等會同都察院大理
寺會看得徐俊開場局賭砍死徐應心一案據
山東巡撫岳濬審擬斬罪具

題前來查徐俊與徐應心同姓不宗緣雍正玖年

玖月貳拾肆日徐應心將伊岳家病驟壹頭趕
集賣錢叁千伍百文由徐俊明首經過適陳志
儉携錢同徐俊趕集撞過徐應心徐俊邀徐應
心至家喫烟有徐朝幹相繼而至徐俊見徐應
心携帶錢文糾約賭博議明頭錢均分拿出舊
存散子叁顆與徐應心徐朝幹陳志儉肆人同
賭徐應心將錢輸盡而散次日徐應心因驟價
全輸難見伊岳尋向徐俊借錢以全顏面徐俊

不借兩相角口徐俊回家徐應心跟至徐俊家
內危言逼借徐俊堅執不吐徐應心情急取菜
刀欲砍徐俊頓起殺機奪刀連砍徐應心顛門
兩下徐應心低頭碰觸徐俊又用刀狠砍徐應
心腦後倒地殞命該撫歷審自認不諱徐俊合
依故殺者斬監候律應擬斬監候秋後處決等
因雍正拾壹年叁月貳拾貳日題貳拾肆日奉
旨徐俊依擬應斬着監候秋後處決餘依議欽此咨

行山東巡撫將徐俊監候在案

雍正拾壹年秋審據山東巡撫岳濬會審得徐

俊因徐應心由伊門首經過徐俊邀其至家賭

博徐應心將伊岳賣騾錢文輸盡而散後徐應

心因騾價全輸難見伊岳向徐俊借錢不允徐

應心即取菜刀欲砍徐俊頓起殺機奪刀連砍

徐應心腦後等處立時殞命徐俊應情實等因

具題奉

旨三法司知道欽此該臣等會同九卿詹事科道等

官會看得據山東巡撫岳濬會審將徐俊情實

具

題前來查徐俊因徐應心向伊借錢不允即取菜

刀欲砍情急奪刀還砍致斃徐俊應改緩決等

因具題奉

旨徐俊着監候緩決欽遵在案

雍正拾貳年秋審據山東巡撫岳濬會審得徐

山東司
四
朝
後應緩決等因具題奉

旨三法司知道

山東司

一起為報明事除斬犯陳大有病故外絞犯壹名

陳三麻年貳拾陸歲係山東兗州府濟寧州人
該山東巡撫岳濬

題前事內開該臣看得陳大有等謀殺陳武身死
一案緣陳大有從堂叔陳仁乏嗣過繼兩姨之
子劉武為子更名陳武在草橋開設飯舖陳大
有與弟陳三麻亦在草橋賣飯陳大有因陳武

做饒過大奪彼生意曾與角口被毆已懷讐恨
又因陳武係異姓混宗希圖絕產輒起謀殺之
念與弟陳三麻商議誘陳武至舖誣賊致死陳
三麻允從於雍正玖年貳月拾伍日晚陳大有
誘陳武至舖喫茶至二更時分陳大有提起陳
武賣饒被打情由陳武不服陳大有即以得我
陳姓家財復捨我生意理責陳武不屈陳大有
輒拿看舖之鎗陳三麻亦持劍在手陳武見勢

亮勇即從後門奔跑陳大有等各持鎗劍尾追
陳武因無出路由矮牆跳入李七院中陳大有
等亦踰牆追及陳大有先刺陳武左肋左臂膊
陳三麻用劍傷其胸膛臂膊下忽倒地身死李
七驚聞起視陳大有勿令聲張適胡五巡夜至
彼聞喊叩門入院見地有死人聲言報官陳大
有等執械逼令李七胡五幫同擡屍丟棄河內
又令胡五等止言趕賊跳入河內若稱殺死即

行咬板恐嚇又給胡五小錢叁千文捏寫被竊
呈詞稟州存案至叁月初伍日陳武屍浮水面
經地方屍親稟報驗明傷痕歷審各認不諱陳
大有依律擬斬陳三麻依律擬絞俱監候等因
雍正拾年拾壹月貳拾陸日題拾貳月初拾日
奉

旨三法司核擬具奏欽此該臣等會同都察院大理
寺會看得陳大有等謀殺陳武身死一案據山

東巡撫岳濬審擬斬絞具

題前來查陳大有從堂叔陳仁之嗣過繼兩姨之
子劉武爲子更名陳武在草橋開設飯鋪陳大

有與弟陳三麻亦在草橋賣飯陳大有因陳武
做饅過大奪彼生意曾與角口被毆已懷讐恨
又因陳武係異姓混宗希圖絕產輒起謀殺之
念與弟陳三麻商議誘陳武至舖誣賊致死陳
三麻允從於雍正玖年貳月拾伍日晚陳大有

誘陳武至舖喫茶至二更時分陳大有捉起陳武賣簪被打情由陳武不服陳大有即以得我陳姓家財復搶我生意理責陳武不屈陳大有輒拿看舖之鎗陳三麻亦持劍在手陳武見勢兇勇即從後門奔跑陳大有等各持鎗劍尾追陳武因無出路由矮牆跳入李七院中陳大有等亦踰牆追及陳大有先刺陳武左肋左臂膊陳三麻用劍傷其胸膛臂膊下忽倒地身死李

七驚聞起視陳大有勿令聲張適胡五巡夜至彼聞喊叩門入院見地有死人聲言報官陳大有等執械逼令李七胡五帮同擡屍丟棄河內又令胡五等止言趕賊跳入河內若稱殺死即行咬扳恐嚇又給胡五小錢叁千文捏寫被竊呈詞稟州存案至叁月初伍日陳武屍浮水面經地方屍親稟報驗明傷痕該撫歷審各認不諱陳大有合依謀殺人造意者斬監候律應擬

斬監侯秋後處決陳三麻合依從而加功者絞
監侯律應擬絞監侯秋後處決等因雍正拾壹
年叁月貳拾肆日題貳拾陸日奉

旨陳大有依擬應斬陳三麻依擬應絞俱著監侯秋
後處決餘依議欽此咨行山東巡撫將陳大有陳
三麻俱監侯在案

雍正拾壹年秋審據山東巡撫岳濬會審得陳
三麻因陳武與伊兄陳大有均在草橋開設飯

舖陳大有因陳武做饘過大奪彼生意曾經角
口被毆心懷忿恨遂與陳三麻商謀誣賊致死
陳三麻允從陳大有將陳武誘至舖內吃茶貳
更時分陳大有與陳三麻分持鎗劍將陳武砍
斃造意之陳大有已經病故陳三麻應緩決等
因具題奉

旨三法司知道欽此該臣等會同九卿詹事科道等
官會審陳三麻應緩決等因具題奉

旨陳三麻着監候緩決欽遵在案

雍正拾貳年秋審據山東巡撫岳濬會審陳三

麻仍緩決等因具題奉

旨三法司知道

山東司

一起爲報明事絞犯壹名邵七年伍拾歲係山

東登州府文登縣人該山東巡撫岳濬

題前事內開該臣看得邵七砍傷伊妻劉氏身死

一案邵七聘娶劉氏爲妻已經貳拾餘載生有

貳子劉氏因貧難度出外乞食數日不歸邵七

欲移居塚庄等候劉氏不至遂畱信隣居先爲

搬移於雍正拾年伍月貳拾壹日劉氏尋至塚

庄斥責邵七不爲等候邵七以劉氏久出不歸
必係與人通姦兩相罵詈邵七用拳毆傷劉氏
左耳連腮腴劉氏仍罵不休邵七益加忿怒頓
起殺機於次日詎劉氏出外乞食並帶鐵鋤壹把
行至灣墪地方乘四顧無人即用鋤向劉氏狠
砍劉氏用手招架砍傷手背邵七又連砍劉氏
偏右頂心腦後耳根等處立時殞命歷審自認
不諱邵七依律擬絞監候等因雍正拾壹年正

月貳拾陸日題貳月貳拾柒日奉

旨三法司核擬具奏欽此該臣等會同都察院大理
寺會看得邵七砍傷伊妻劉氏身死一案擬山
東巡撫岳濬審擬絞罪具

題前來查邵七聘娶劉氏爲妻已經貳拾餘載生
有貳子劉氏因貧難度出外乞食數日不歸邵
七欲移居梁庄等候劉氏不至遂留信隣居先
爲搬移於雍正拾年伍月貳拾壹日劉氏尋至

梁庄斥責邵七不為等候邵七以劉氏久出不歸必係與人通姦兩相罵詈邵七用拳毆傷劉氏左耳連腮臉劉氏仍罵不休邵七益加忿怒頓起殺機於次日誑劉氏出外乞食並帶鐵鋤壹把行至灣埕地方乘四顧無人即用鋤向劉氏狠砍劉氏用手招架砍傷手背邵七又連砍劉氏偏右頂心腦後耳根等處立時殞命該撫歷審自認不諱邵七合依夫故殺妻者絞監候

律應擬絞監候秋後處決等因雍正拾壹年參月貳拾柒日題肆月初叁日奉

旨邵七依擬應絞著監候秋後處決欽此咨行山東巡撫將邵七監候在案

雍正拾壹年秋審據山東巡撫岳濬會審得邵七因妻劉氏出外乞食數日不歸邵七疑其與人通姦拳毆劉氏劉氏詈罵不休一時忿怒用鐵鋤砍傷劉氏頂心偏右等處致斃邵七應緩

山東司
三
決等因具題奉

旨三法司知道欽此該臣等會同九卿詹事科道等
官會審卽七應緩決等因具題奉

旨卽七着監候緩決欽遵在案

雍正拾貳年秋審據山東巡撫岳濬會審卽

七仍緩決等因具題奉

旨三法司知道

山東司

一起爲稟報人命事絞犯壹名孫明義年伍拾陸

歲係山東濟南府肥城縣人該山東巡撫岳濬

題前事內開該臣看得已革武生孫明義毆傷羅

旺生身死一案孫明義與羅旺生並無嫌怨雍

正拾年貳月初叁日羅旺生至孫明義家在過

道內求乞孫明義以羅旺生入院求乞出言詈

罵羅旺生亦行回罵孫明義忿怒持木棍毆傷

羅旺生兩膀腰眼臀腿額角等處旋即殞命歷
審自認不諱孫明義依律擬絞監候等因雍正
拾年拾貳月拾貳日題雍正拾壹年貳月拾伍
日奉

旨三法司核擬具奏欽此該臣等會同都察院大理
寺會看得已董武生孫明義毆傷羅旺生身死
一案據山東巡撫岳濬審擬絞罪具

題前來查孫明義與羅旺生並無嫌怨雍正拾年

貳月初叁日羅旺生至孫明義家在過道內求
乞孫明義以羅旺生入院求乞出言詈罵羅旺
生亦行回罵孫明義忿怒持木棍毆傷羅旺生
兩膀腰眼臀腿額角等處旋即殞命該撫歷審
自認不諱孫明義合依鬪毆殺人者不問手足
他物金刃並絞監候律應擬絞監候秋後處決
等因雍正拾壹年肆月初叁日題初伍日奉
旨孫明義依擬應絞着監候秋後處決餘依議欽此

咨行山東巡撫將孫明義監候在案

雍正拾壹年秋審據山東巡撫岳濬會審得孫

明義因羅旺生入院求吃出言詈罵羅旺生亦

行回罵孫明義即持木棍毆傷羅旺生腰眼額

角等處致斃孫明義應緩決等因具題奉

旨三法司知道欽此該臣等會同九卿詹事科道等

官會審孫明義應緩決等因具題奉

旨孫明義着監候緩決欽遵在案

雍正拾貳年秋審據山東巡撫岳濬會審孫明

義仍緩決等因具題奉

旨三法司知道

山東司

一起為報明事絞犯壹名畢小子年叁拾貳歲係

山東濱州人該山東巡撫岳濬

題前事內開該臣看得楊弘榮踢死畢元正畢小子打傷楊弘榮身死一案畢小子與楊弘榮同里而居並無嫌怨緣畢姓庄前有荒地一處經楊弘榮鋸有葛蕘雍正玖年陸月初叁日畢小子而畢元正言及缺少葛蕘使用畢元正令畢

小子赴地拉取楊弘榮之子楊行見而闌阻畢
小子歸訴畢元正畢元正復令往拉於初肆日
畢小子趕車帶鋤畢元正携捍同往適楊弘榮
在坡拾糞又行阻擋並欲卸其拉車牛隻畢元正
向前用手推阻劃傷楊弘榮耳竅互相爭嚷楊
弘榮之子楊秀楊行侄孫楊金聞嚷趨視楊秀
罵詈畢元正用捍毆打楊金奪捍毆傷畢元正
頂心楊弘榮用脚踢傷畢元正腎囊莖物倒地
楊行等恐懼奔逸楊弘榮年邁落後畢小子追
至用鋤打傷楊弘榮左右手腕等處楊弘榮用
糞杈還打畢小子又用鋤打傷楊弘榮偏左偏
右頂心畢元正次日身死楊弘榮越五日殞命
歷審各認不諱除踢死畢元正之楊弘榮已經
身死楊金擬以軍罪外畢小子依律擬絞監候
等因雍正拾年玖月貳拾貳日題拾月初捌日
奉

旨三法司核擬具奏欽此該臣等會同都察院大理
寺會看得楊弘榮踢死畢元正畢小子打傷楊
弘榮身死一案據山東巡撫岳濬審擬絞罪具
題前來查畢小子與楊弘榮同里而居並無嫌怨
緣畢姓庄前有荒地一處經楊弘榮鏟有葛蕘
雍正玖年陸月初叁日畢小子向畢元正言及
缺少葛蕘使用畢元正令畢小子赴地拉取楊
弘榮之子楊行見而攔阻畢小子歸訴畢元正

畢元正復令畢小子往拉於初肆日畢小子趕
車帶鋤畢元正携捍同往適楊弘榮在坡拾糞
又行阻擋並欲卸其拉車牛隻畢元正向前用
手推阻劃傷楊弘榮耳竅互相爭嚷楊弘榮之
子楊秀楊行侄孫楊金聞嚷趨視楊秀罵詈畢
元正用捍毆打楊金奪捍毆傷畢元正頂心楊
弘榮用脚踢傷畢元正腎囊莖物倒地楊行等
恐懼奔逸楊弘榮年邁落後畢小子追至用鋤

打傷楊弘榮左右手腕等處楊弘榮用糞杈還
 打畢小子又用鋤打傷楊弘榮偏左偏右頂心
 畢元正次日身死楊弘榮越五日殞命該撫歷
 審各認不諱除後下手踢死畢元正之楊弘榮
 已經身死用桿打傷畢元正頂心之楊金擬以
 軍罪外畢小子合依鬪毆殺人者不問手足他
 物金亦並絞監候律應擬絞監候秋後處決等
 因雍正拾壹年叁月拾陸日題肆月初叁日奉

旨畢小子依擬應絞著監候秋後處決餘依議欽此
 咨行山東巡撫將畢小子監候在案

雍正拾壹年秋審據山東巡撫岳濬會審得畢
 小子因楊弘榮與畢元正互相爭嚷畢元正用
 桿毆打楊弘榮用脚踢傷畢元正腎囊倒地畢
 小子用鋤趕打楊弘榮楊弘榮用杈還打畢小
 子復用鋤毆傷楊弘榮頂心畢元正次日身死
 楊弘榮越五日殞命畢小子應緩決等因具題

奉

旨三法司知道欽此該臣等會同九卿詹事科道等
官會審畢小子應緩決等因具題奉

旨畢小子着監候緩決欽遵在案

雍正拾貳年秋審據山東巡撫岳濬會審畢小

子仍緩決等因具題奉

旨三法司知道

山東司

一起為盜扒灘鹽打死人命事除斬犯壹名李端

章於雍正拾壹年秋審遵

旨正法外絞犯貳名王用升年叁拾玖歲嚴義年肆

拾肆歲俱係山東濱州利津縣人該山東巡撫岳濬

題前事內開該臣看得李端章等偷鹽拒捕打死

灘頭劉克月一案李端章因貧難度於雍正玖

年伍月初捌日起意赴灘偷鹽攜帶扁擔口袋

出門之後撞遇李五相邀同行至許家荒灘時
值昏暮有張三王用升殷義等相繼而至彼此
觀看形徑知係同類李端章即糾約聯成一夥
赴劉克月灘內扒鹽適劉克月率伊弟劉克星
子劉小九執持木桿赴灘巡查見而截毆李端
章王用升李五張三殷義各持扁擔拒捕李端
章用扁擔頂傷劉克月腎囊李五用扁擔打傷
偏左殷義用扁擔打傷頂心左血盆骨張三用

扁擔打傷額顱劉克月受傷深重移時殞命歷
審各認不諱李五張三已經病故李端章依例
擬斬王用升殷義依例擬絞俱監候等因雍正

拾年拾月貳拾陸日題拾壹月貳拾貳日奉

旨三法司核擬具奏欽此該臣等會同都察院大理
寺會看得李端章等偷鹽拒捕打死灘頭劉克
月一案據山東巡撫岳濬審擬斬絞具

題前來查李端章因貧難度於雍正玖年伍月初

山東通志 卷之三
旨李端章依擬應斬王用升殷義依擬應絞俱著監
候秋後處決餘依議欽此咨行山東巡撫岳濬會審得王
章王用升殷義俱監候在案

雍正拾壹年秋審據山東巡撫岳濬會審得王
用升殷義因李端章糾合張三等拾人赴劉克
月灘內扒盜劉克月持桿截毆李端章等亦各
持扁担拒捕將劉克月毆斃為首之李端章另
擬情實王用升殷義應緩等因具題奉

旨三法司知道欽此該臣等會同九卿詹事科道等
官會審王用升殷義俱應緩決等因具題奉
旨王用升殷義俱著監候緩決欽遵在案

雍正拾貳年秋審據山東巡撫岳濬會審王用
升殷義俱仍緩決等因具題奉

旨三法司知道

山東司

一起為報狀事絞犯壹名任之標年肆拾壹歲係山

東青州府昌樂縣人該山東巡撫岳濬

題前事內開該臣看得任之標毆傷楊臻身死一

案任之標與沂州民楊應殿誼屬即勇任之標

同父任端並弟任二在楊應殿家另宅居住雍

正捌年拾貳月貳拾日任之標買不知姓名貨

即散子開場賭博楊應惠楊明立楊岱任二共

賭揚應惠借任之標之父任端錢文賭輸於貳拾伍日任端向揚應惠索錢爭鬧揚應惠用頭礮觸任之標隨稱伊父任端被傷計欲圖賴因揚應惠家貧將伊父負至揚應惠胞兄揚應畧家令其調養揚應畧疑為揚應歿指使亦將伊患病之弟揚應惠令伊子楊臻負於揚應歿家內任之標聞知往視將揚應惠往外挂拉楊臻攔阻兩相吵嚷楊臻持牛担子欲毆任之標奪

担還打中傷楊臻額顛倒地移時殞命歷審各認不諱任之標依律擬絞監後等因雍正拾年拾貳月拾貳日題雍正拾壹年貳月拾陸日奉旨三法司核擬具奏欽此該臣等會同都察院大理寺會看得任之標毆傷楊臻身死一案擬山東巡撫岳濬審擬絞罪具

題前來查任之標與沂州民楊應歿誼屬即舅任之標同父任端並弟任二在揚應歿家另宅居

山東通志 卷之二
住雍正捌年拾貳月貳拾日任之標買不知姓名皆卽散子開場賭博楊應惠楊明立場岱任二共賭楊應惠借任之標之父任端錢文睹輸於貳拾伍日任端向楊應惠索錢爭鬧楊應惠用頭礮觸任之標隨稱伊父任端被傷計欲圖賴因楊應惠家貧將伊父負至楊應惠胞兄楊應畧家令其調養楊應畧疑爲楊應殿指使亦將伊患病之弟楊應惠令伊子楊臻負於楊應

殿家內任之標聞知往視將楊應惠往外推拉楊臻攔阻兩相吵嚷楊臻持牛担子欲毆任之標奪担還打中傷楊臻額顛倒地移時殞命該撫歷審各認不諱任之標合依鬪毆殺人者不問手足他物金及並絞監候律應擬絞監候秋後處決等因雍正拾壹年肆月拾捌日題貳拾日奉

旨任之標依擬應絞着監候秋後處決餘依議欽此

咨行山東巡撫將任之標監候在案

雍正拾壹年秋審據山東巡撫岳濬會審得任之標在伊親楊應殿家另宅居住因伊父任端向楊應惠索討欠錢兩相爭鬧楊應惠用頭礮觸任之標即稱伊父受傷計欲圖賴將父負至楊應惠胞兄楊應畧家令其調養楊應畧疑爲楊應殿指使亦令楊臻將病弟楊應惠負至楊應殿家任之標聞知往視將楊應惠推拉楊臻殞命任之標應緩決等因具題奉

旨三法司知道欽此該臣等會同九卿詹事科道等官會審任之標應緩決等因具題奉

旨任之標着監候緩決欽遵在案

雍正拾貳年秋審據山東巡撫岳濬會審任之標仍緩決等因具題奉

旨三法司知道

山東司

一起為稟報事除斬犯李德生遵

旨正法外絞犯壹名陳秉仁年貳拾伍歲係山東青州府益都縣人該山東巡撫岳濬

題前事內開該臣看得李德生等訛詐不遂打傷王會清身死一案李德生與陳秉仁至臨朐縣尋覓生理於雍正玖年拾壹月貳拾柒日行至桃園庄地方陳秉仁見鄰村賣油之王會清携

山東通志卷之四十一
帶少婦同行疑為拐逃告知李德生李德生即起意訛詐與陳秉仁商謀陳秉仁依允隨追至南嶺李德生將王會清拉住訛詐銀錢詎王會清同行少婦實係拐帶鄰居趙之柱之妻李氏而王會清堅不承認指稱李德生等截路李德生忿怒奪取王會清拄棍毆傷王會清右額角太陽肩甲脰膊胸膛陳秉仁接棍亦毆王會清胸膛兩下李氏喊叫經砍柴人單月等聞聲奔

至將李德生陳秉仁拿獲王會清傷重旋即殞命差押李氏在店李氏恐拐逃事露旋即自縊身死歷審各認不諱李德生照例斬決陳秉仁照例擬絞監候等因雍正拾年拾月貳拾陸日題拾壹月貳拾貳日奉

旨三法司核擬具奏欽此該臣等會同都察院大理寺會看得李德生等訛詐不遂打傷王會清身死一案據山東巡撫岳濬審擬斬決絞罪具

題前來查李德生與陳秉仁至臨朐縣尋覓生理
於雍正玖年拾壹月貳拾柒日行至桃園左地
方陳秉仁見鄰村賣油之王會清攜帶少婦同
行擬爲拐逃告知李德生李德生即起意訛詐
與陳秉仁商謀陳秉仁依允隨追至南嶺李德
生將王會生拉住訛詐銀錢詎王會清同行少
婦實係拐帶鄰居趙之柱之妻李氏而王會清
堅不承認指稱李德生等截路李德生忿怒奪

取王會清拄棍毆傷王會清右額角太陽肩甲
脰膊胸膛陳秉仁接棍亦戳王會清胸膛兩下
李氏喊叫經砍柴人單月等聞聲奔至將李德
生陳秉仁拿獲王會清傷重旋即殞命差押李
氏在店李氏恐拐逃事露旋即自縊身死該撫
歷審各認不諱李德生合依惡棍設法詐財不
遂意行毆斃事發不分曾否得財爲首者斬決
例應斬立決陳秉仁合依爲從者絞監候例應

擬絞監候秋後處決等因雍正拾壹年肆月貳拾貳日題貳拾陸日奉

旨李德生着即處斬陳秉仁依擬應絞着監候秋後處決欽此咨行山東巡撫將陳秉仁監候在案

雍正拾壹年秋審據山東巡撫岳濬會審得陳

秉仁與李德生因見王會清携帶少婦李氏同行疑爲拐逃李德生起意訛詐將王會清拉住索詐銀錢王會清指稱李德生截路李德生忿

怒奪取王會清拄棍毆傷王會清太陽額角等

處陳秉仁接棍亦戳會清胸膈兩下旋即斃命

李氏恐拐逃事發亦即自縊身死爲首之李德生已經正法陳秉仁應緩決等因具題奉

旨三法司知道欽此該臣等會同九卿詹事科道等官會審陳秉仁應緩決等因具題奉

旨陳秉仁着監候緩決欽遵在案

雍正拾貳年秋審據山東巡撫岳濬會審陳秉

仁仍緩決等因具題奉

旨三法司知道

山東司

臣

竊以壹答陳辨仁

山東司

一起為稟報事絞犯壹名孫柱年叁拾肆歲係山

東東平州人該山東巡撫岳濬

題前事內開該臣看得孫柱毆傷周氏身死一案
孫柱與周氏同庄居住並無嫌怨緣雍正拾年
伍月拾陸日周氏赴坡割草偷割孫柱地內扁
豆孫柱撞遇以喝周氏輒行詈罵孫柱奪筐周
氏不與孫柱用拳毆傷周氏脊膂周氏詈罵益

山東司

臣

竊以壹答陳辨仁

注

甚孫柱奪鑣用柄毆傷周氏左臂膊右後肋等
處次日殞命歷審不諱孫柱依律擬絞等因雍
正拾年拾月貳拾叁日題拾壹月貳拾日奉
旨三法司核擬具奏欽此該臣等會同都察院大理
寺會看得孫柱毆傷周氏身死一案據山東巡
撫岳濬審擬絞罪具

題前來查孫柱因見周氏偷伊扁豆致相爭詈孫
柱拳毆其脊脅又奪鑣用柄毆其左臂膊右後

肋等處殞命孫柱合依罪人不拒捕而擅殺者
以鬪殺論鬪殺者絞律擬絞監候秋後處決再
該撫疏稱孫柱伍歲過繼與親叔孫文公為嗣
並未生有子女孫文公與妻仝氏俱年已柒拾
壹歲全賴孫柱養贍別無次丁將孫柱題請留
養等語查孫柱係孫文公親兄之子雖伍歲出
繼但例內並無承繼之子留養之條應將孫柱
仍照律擬絞等因雍正拾壹年肆月拾貳日題

拾肆日奉

青孫柱依擬應絞着監候秋後處決欽此咨行山東
巡撫將孫柱監候在案

雍正拾貳年秋審據山東巡撫岳濬會審得孫
柱因周氏偷竊伊豆反被詈罵忿激毆斃孫柱
應緩決等因具題奉

青三法司知道

山東司

起為稟報事絞犯壹名魯秉吉年貳拾壹歲係

山東東昌府冠縣人該山東巡撫岳濬

題前事內開該臣看得魯秉吉毆傷伊妻錢氏身
死一案魯秉吉與妻錢氏素相和好雍正拾年
肆月貳拾貳日魯秉吉赴集買糧適有認識之
吳名揚邀飲誘賭魯秉吉依允吳名揚即邀魯
章等至家共賭魯秉吉將所帶錢伍百文并借

吳名揚錢貳百文俱已輸盡隨回家竊伊妻錢氏紬衣壹件當錢玖百文復至吳名揚家共賭魯秉吉又將錢輸盡回家錢氏開櫃取衣不見詢係魯秉吉竊當賭輸兩相吵嚷錢氏詈罵魯秉吉忿怒用棍打傷錢氏顙門錢氏詈罵愈甚魯秉吉又毆其腮頰左耳竅連耳根耳輪等處次日殞命歷審不諱魯秉吉依律擬絞等因雍正拾壹年貳月初叁日題貳拾玖日奉

旨三法司核擬具奏欽此該臣等會同都察院大理寺會看得魯秉吉毆傷伊妻錢氏身死一案據山東巡撫岳濬審擬絞罪具

題前來查魯秉吉因吳名揚誘賭魯秉吉將所帶錢文并借錢文輸盡又竊錢氏紬衣當錢復賭復輸盡經氏詢知兩相吵嚷魯秉吉忿怒用棍打傷致命叁處殞命魯秉吉合依夫毆妻至死者絞監候律擬絞監候秋後處決等因雍正拾

壹年肆月貳拾日題貳拾貳日奉

旨魯秉吉依擬應絞着監候秋後處決餘依議欽此
咨行山東巡撫將魯秉吉監候在案

雍正拾貳年秋審據山東巡撫岳濟會審得魯
秉吉因伊妻錢氏詈罵毆打致斃魯秉吉應緩
決等因具題奉

旨三法司知道

山東司

一起為報狀事絞犯壹名陳黑年貳拾玖歲係山

東沂州郟城縣人該山東巡撫岳濬

題前事內開該臣看得陳黑毆傷劉文芳身死一
案陳黑與劉文芳並無嫌怨緣雍正拾年伍月
拾捌日陳黑售賣烟葉每兩大錢壹文劉文芳
向買止給小錢壹文陳黑不賣劉文芳即將烟
葉擲地嚷罵陳黑回罵劉文芳將陳黑毆打陳

黑用拳毆傷劉文芳右臂膊並將胎膊拗轉扯傷脊背又用拳打傷左右後脇殞命歷審不諱陳黑依律擬絞等因雍正拾壹年貳月初叁日題貳拾玖日奉

旨三法司核擬具奏欽此該臣等會同都察院大理寺會看得陳黑毆傷劉文芳身死一案據山東

巡撫岳濬審擬絞罪具

題前來查陳黑因劉文芳向買烟葉爭論嚷毆陳

黑用拳回毆致傷致命叁處殞命陳黑合依鬪毆殺人者不問手足他物金刃並絞監候律擬

絞監候秋後處決等因雍正拾壹年肆月貳拾

貳日題貳拾肆日奉

旨陳黑依擬應絞着監候秋後處決欽此咨行山東巡撫將陳黑監候在案

雍正拾貳年秋審據山東巡撫岳濬會審得陳黑因與劉文芳彼此互毆無心致斃陳黑應緩

山東司
決等因具題奉

旨三法司知道

山東司

一起為稟報事絞犯壹名溫玉年肆拾貳歲係山東青州府壽光縣人該山東巡撫岳濬

題前事內開該臣看得溫玉毆傷孫煥身死一案

溫玉與孫煥並無嫌怨緣溫玉閨玉高長均僱

與高沛家放蚕雍正玖年拾月初陸日高沛因

蚕工已畢置酒酬勞適孫煥往尋高沛講買房

屋高沛留飲孫煥談及買宅之事高長閨玉均

言不如買地因而高沛未允孫煥以高長等阻
撓輒行詈罵高長用拳毆傷孫煥兩眼胞又踢
傷右後肋間玉拾石毆傷右膀復踢傷左後肋
高沛溫玉解勸均被孫煥罵詈高沛用鞋底擊
傷孫煥腮腴溫玉拾石毆傷孫煥右後脇孫煥
滾跌磕傷右膝左右肱肘越陸日殞命歷審不
諱溫玉依律擬絞等因雍正拾壹年正月貳拾
陸日題貳月貳拾捌日奉

旨三法司核擬具奏欽此該臣等會同都察院大理
寺會看得溫玉毆傷孫煥身死一案據山東巡
撫岳濬審擬絞罪具

題前來查溫玉因孫煥與高長間玉以語言起隙
輒相詈毆高沛溫玉解勸亦被罵詈高沛用鞋
底毆擊最後溫玉石傷致命一處越陸日殞命
溫玉合依共毆人因而致死者以致命傷為重
最後下手傷重者絞監候律擬絞監候秋後處

決寺因雍正拾壹年肆月貳拾貳日題貳拾肆日奉

旨溫玉依擬應絞着監候秋後處決餘依議欽此咨行山東巡撫將溫玉監候在案

雍正拾貳年秋審據山東巡撫岳濬會審得溫

玉下手致命法應絞抵但因相勸反被孫煥詈

罵氣忿毆打致斃溫玉應緩決等因具題奉

旨三法司知道

山東司

一起為稟報事絞犯壹名安正年叁拾柒歲係山

東東昌府東昌衛人該山東巡撫岳濬

題前事內開該臣看得安正毆傷陳之學身死一

案安正與陳之學並無嫌怨緣安正魯偷竊石

永昌高糧被獲送官責懲雍正拾年柒月初貳

日值馬二父喪服滿安正陳之學均往探望馬

二設席款待席散之後陳之學乘醉揭安正偷

竊之短安正詈罵陳之學持磚向毆安正閃躲
陳之學頭撞安正懷內安正用磚毆傷陳之學
右眉並偏左腰眼等處倒地移時殞命歷審不
諱安正依律擬絞等因雍正拾壹年貳月貳拾
玖日題叁月拾伍日奉

旨三法司核擬具奏欽此該臣等會同都察院大理
寺會看得安正毆傷陳之學身死一案據山東
巡撫岳濬審擬絞罪具

題前來查安正因陳之學乘醉揭其偷竊之短致
相詈毆陳之學頭撞安正懷內安正用磚毆傷
致命貳處殞命安正合依鬪毆殺人者不問手
足他物金刃並絞監候律擬絞監候秋後處決
等因雍正拾壹年肆月貳拾叁日題貳拾伍日
奉

旨安正依擬應絞着監候秋後處決欽此咨行山東
巡撫將安正監候在案

雍正拾貳年秋審據山東巡撫岳濬會審得安
正因陳之學揭其偷竊之短又被毆打壹時氣
忿還毆致斃安正應緩決等因具題奉

旨三法司知道

山東司

一起為稟報事絞犯壹名李三年貳拾柒歲係山

東萊州府膠州人該山東巡撫岳濬

題前事內開該臣看得李三等毆傷王文身死一

案李三與王文素無嫌怨緣李三蔣大李瑞李
之松等各場內草束屢被偷竊後李三之草又
被人放火燒燬各懷忿恨商同捉拿放火偷草
之人痛加毆打雍正拾年貳月拾壹日晚王文

在蔣大場內抽取麥穰烤火當被蔣大撞遇斥責王文忿怒有乘風放火之語蔣大遇見李三等告以前情且疑從前偷草放火俱係王文所為倡言毆逐李三等允從各持木棍楸柄等械尋見王文李之松先用扁担毆擊王文右臙肋李瑞亦用棍毆右臙肋蔣大用棍毆打右臂膊右臙肋等處李三復舉楸柄連毆王文右臙肋骨折越捌日殞命歷審不諱除蔣大照原謀律

擬流外李三依律擬絞等因雍正拾壹年貳月貳拾伍日題叁月初玖日奉

旨三法司核擬具奏欽此該臣等會同都察院大理寺會看得李三等毆傷王文身死一案據山東巡撫岳濬審擬絞罪具

題前來查李三等因草束被竊被燒各懷忿恨適王文抽取蔣大麥穰烤火當被撞遇斥責王文忿怒有乘風放火之語蔣大遂疑王文燒竊倡

言毆逐李三等遂尋王文共毆李之松李瑞蔣
大各毆傷臙肱臂膊肘等處李三連毆右臙
胛骨折越刼日殞命李三合依同謀共毆人因
而致死以最後下手傷重者絞監候律擬絞監
候秋後處決等因雍正拾壹年肆月貳拾捌日

題伍月初貳日奉

旨李三依擬應絞着監候秋後處決餘依議欽此
行山東巡撫將李三監候在案

雍正拾貳年秋審據山東巡撫岳濬會審得李
三下手傷重法應絞抵但係共謀毆逐李三應
緩決等因具題奉

旨三法司知道

山東司

一起馬呈報事絞婦壹口韓氏年陸拾伍歲係山

東青州府安邱縣人該山東巡撫岳濬

題前事內開該臣看得韓氏毆傷閆氏身死一案

韓氏與閆氏並無嫌怨雍正拾年陸月初拾日

韓氏之子聞小存偷摘閆氏之瓜被閆氏之孫

陳小小撞遇毆打聞小存恐毋知覺再毆不敢

回家韓氏聞知伊子被毆情由即赴閆氏家以

山東
開閆氏亦出嚷罵兩相扭結閆氏用石毆打并用頭觸韓氏情極拾石還毆致傷閆氏偏右三處至晚殞命歷審不諱韓氏依律擬絞等因雍正拾壹年叁月拾叁日題貳拾捌日奉

旨三法司核擬具奏欽此該臣等會同都察院大理寺會看得韓氏毆傷閆氏身死一案據山東巡撫岳濬審擬絞罪具

題前來查韓氏有子聞小存偷摘閆氏之瓜被閆

氏之孫陳小小撞遇毆打聞小存恐母知覺不敢回家韓氏聞知伊子被毆即赴閆氏家吵鬧兩相扭結閆氏用石毆打并用頭觸韓氏情急拾石還毆致傷閆氏偏右三處至晚殞命韓氏合依開毆殺人者不問手足他物金刃並絞監候律擬絞監候秋後處決等因雍正拾壹年肆月貳拾玖日題伍月初貳日奉

旨韓氏依擬應絞着監候秋後處決餘依議欽此咨

山東巡撫將韓氏監候在案

雍正拾貳年秋審據山東巡撫岳濬會審得韓氏因被閻氏毆打還擊致死韓氏應緩決等因具題奉

旨三法司知道

山東司

一起為舉報事絞犯壹名馬大年貳拾捌歲係山

東莒州日照縣人該山東巡撫岳濬

題前事內開該臣等看得馬大毆傷伊妻趙氏身

死一案馬大因貧難度同妻趙氏典與丁士羣

為僕立有文契丁士羣令馬大夫婦至子丁若

魯家服役丁若魯令馬大起蓋草房夫婦同住

趙氏以屋潮濕不願住宿雍正玖年玖月貳拾

參日晚趙氏赴隣人陳氏家借宿馬大叩門尋
喚丁若魯以昏夜叩門喚責又喚趙氏以理斥
責趙氏不服丁若魯忿怒詈罵趙氏回罵丁若
魯持鞭桿毆傷趙氏臂膊脊背手指等處逐出
趙氏以傭工受辱歸怨馬大馬大用言勸慰趙
氏仍罵不已馬大用拳毆傷趙氏額顱並抓傷
腮脰趙氏愈肆詈罵馬大忿怒拾取木棍毆傷
趙氏脊脊腰眼後肋等處次日殞命歷審不諱

馬大依律擬絞等因雍正拾壹年貳月貳拾伍
日題參月初拾日奉

旨三法司核擬具奏欽此該臣等會同都察院大理
寺會看得馬大毆傷伊妻趙氏身死一案據山
東巡撫岳濬審擬絞罪具

題前來查馬大因同妻趙氏在丁若魯家典身服
役趙氏以屋潮湿夜赴隣家借宿丁若魯理斥
不服鞭懲幾下趙氏歸怨馬大仍罵不已馬大

愈怒用拳棍連毆致傷致命參處殞命馬大合
依夫毆妻至死者絞監候律擬絞監候秋後處
決等因雍正拾壹年五月初肆日題初柒日奉
旨馬大依擬應絞着監候秋後處決欽此咨行山東
巡撫將馬大監候在案

雍正拾貳年秋審據山東巡撫岳濟會審得馬
大因趙氏詈罵壹時忿怒毆傷致斃馬大應緩
決等因具題奉





念之此本相傳數百年之久矣

其力以美至死者... 律... 監... 後...

其... 日... 題... 初... 禁... 日... 本...

是... 錄... 此... 本... 行... 山... 東...

在... 濟... 會... 審... 研... 究...

馬... 大... 成...

...

...

...

...